

事具足無所騫關其長者宅猶如北方毗沙門天大王宮殿一種無異

時彼長者無有男女所有親眷來往之者作如是言謂仁長者若仁自知仁家巨富多有勢力略說乃至衆事備悉但仁家中無有子息而此城外有一神樹名曰乞求所願皆得彼樹若有男子女人來從乞求兒女皆得長者何故不往詣於彼樹邊乞求索男女若能乞者必應得生男女不疑勿令仁家種族斷絕時彼長者報其一切諸親族言何有是事而彼樹木無識無情若能與人男女願者無有是處凡男女者皆由父母先業因緣或復福力而得男女而彼人言我等自身各親祈請並彼樹邊得於男女以得願故至彼樹所作大供養報償彼樹時彼長者諸親眷屬再過三說懇勸請彼長者言汝大長者不可不信彼樹實能如是與願彼已得男彼已得女長者但去彼樹能與仁之心願索男得男索

女得女決定無疑

佛本行集經卷第三十四

十四末

所四

箕宿其反 映徒反 結音 朴音 流靡彼反 灌音  
濁音 吃音 嚙音 法音 崑崙音 琵琶音  
幽邃反 深也反 棄捐音 朝釭音

軸鋼下音 百卉下音 斨音 完兒音 黑纒音

露上音 反音 核音 稟受音 黑纒音

盧悵音 快音 向音 伺音 繒綵音 葦蔚音

孔反 一音 翁音 報賽音 畜牧音 估客音

作音 賈音 珂音 具音 苦音 騫闕音 乾音

佛本行集經卷第二十五

所五

隋天竺三藏法師闍那崛多譯

耶輸陀因緣品下

尔時善覺大富長者以諸親族數數懇勸共相曉喻乃至第三苦切勸諫而彼長者意中不已即將家僮賈持大斧斲箕杖鋤及諸鋤

與日

鑿種種刀鋸詣彼樹所既到彼已立於樹前而作是言汝樹當知我從他聞汝是神樹名所求願一切皆得若有人來求乞男女悉皆果遂而我無有一个兒息心內願樂而不稱可今從汝乞若令我得生於好男我當來作如是供養作是報答必汝不能與我子者我當將此大斧鉞鑿斫掘汝樹根本枝條一切悉却終不放汝乃至令如馬蘭根鬚而留殘者若掘到地取汝根莖段段斫斷取汝枝柯片片剉切斫截割已札札曬乾訖已持火燒汝作灰如灰塵已或將汝灰臨急疾河向水而擲或將汝灰對猛大風吹令四散

尔時彼樹有神依之神聞此語生大恐怖憂惱不歡又作是念我實不與他作男女但人來者自有業因自有福力而得男女而彼等人謂言此樹能與男女既得願已然後來報此樹之恩而彼樹神悲泣流淚作如是言此我生來所居之樹以彼長者不得子故其必

當壞毀我此樹而彼樹神於帝釋天恒常承事尔時彼神速疾往詣天帝釋忉利天宮到已長跪白帝釋天作如是言依前長者求乞兒子得否禍福善惡之語大善天王唯願大天巧慧方便早作如是精勤速疾與彼長者端正之男勿令於我此樹磨滅

尔時天主帝釋大王告樹神曰汝之樹神勿作是語所以者何今我亦復不能為於世間之人定與男女但諸人輩自有福因而得男女其理雖然汝之樹神少忍耐看莫生憂惱我當觀察彼之長者有因緣不時忉利天有一天子五衰相現不久定當墮落世間五衰相何一者彼天頭上妙華忽然萎黃二者彼天自身腋下汗汁流出三者彼天所著衣裳垢膩不淨四者彼天身體威光自然變改五者彼天常所居停微妙寶牀忽然不樂東西移徙

尔時天主釋提桓因語彼天子作如是言善

汝天子若知時者汝有善緣植衆善本常不放逸謹慎畏罪無諸過患不造諸非又復未曾作重惡業直以嫉妬汝今應當退失此處必生人間於一善處

尔時天子白帝釋言願聞其處帝釋報言今此下方閻浮提地有一大城名波羅柰而彼城有一大長者名曰善覺彼長者家大富饒財多有勢力乃至一切無所乏少而彼無子汝今發心往波羅柰為彼作兒

時是天子於過去世得天子身種諸善根而作生死解脫因緣面向涅槃背於煩惱不取諸有不愛一切有為中生而彼一生欲取漏盡欲證聖道而彼天子諮帝釋言大善天王我今不欲處在居家以受世樂

又復護明菩薩大士不久從彼堯率天下降神生於迦毗羅城釋種姓內淨飯王宮大夫人邊右脇入胎月滿而生生已棄捨王位出家當成阿耨多羅三藐三菩提成已當轉無

上法輪我意欲於彼菩薩邊修行梵行而彼長者居家大有資財珍寶多諸勢力乃至一切種種豐饒而其彼家放逸之處我意不願向彼而生

尔時天主帝釋大王語彼天子作如是言汝但乞願求生彼家護明菩薩不久當成阿耨

所五

三

多羅三藐三菩提成已當轉無上法輪我於彼時自當成就汝出家緣亦助佐汝出家之事時彼天子報帝釋言善哉天王若於彼時王能如是佐助於我發心因緣令得成就當生彼家

尔時天主帝釋大王報彼尼拘陀樹神言汝善樹神若知時者汝當速報彼長者知而語之言善哉長者汝所乞願不久當生端正之子生已不久捨家出家當作沙門

尔時樹神從帝釋邊聞此語已心大歡喜踊躍充遍不能自勝速往詣彼大長者家到已空隱身不現語長者言大善長者汝必當

生智慧端正福德之子但其生已不久定應捨家出家而作沙門

尔時長者報樹神言善哉天神但願我生我當方便不令捨家而作沙門時彼天子從忉利天墮落下來與大長者婦腹受胎既受胎已彼婦即覺語長者言大善長者應須歡喜我已受胎

尔時長者聞是語已即為其婦立於最上將息之法最上敷設最上莊嚴最上供奉最上飲食最上服飾而供給之令其玩弄

尔時長者於波羅柰四城門外衢道陌頭多人處所立無遮會有來索者求食與食須飲與飲欲鬻與鬻索香與香或須塗香即與塗香須牀敷者即與牀敷須資生者悉具與之時其家內所有財物皆收內庫一切酒坊一切屠舍並皆除斷

時長者婦或滿九月或滿十月其胎成熟產一男兒極大端正可喜少雙身體色黃猶如

金柱頭頂團圓猶如傘蓋鼻如鸚鵡長臂下垂支節端直諸根悉具肌肉柔和猶生酥搏彼子生已其上自然化出微妙七寶之蓋而諸世人所見之者皆大唱言希有昔來未曾覩見

尔時長者為彼童子立四乳母一者抱持二

者洗浴三者與乳四者共戲童子生後長者恒於四城門外及交道頭立無遮會如前所設又復集聚內外眷屬而語之言我今已生如是兒子汝等立名其眷屬等相共平量此子初生上有寶蓋自然出現以是因緣名聞流布遍於一切是故此子應名上傘於是後人相共稱喚為耶輸陀耶輸陀者隋言其耶上傘輸陀於父母邊唯止一子父母愛念不曾離心眼欲恒看目前養育令其增長易觀易畜而有偈說

福德之人疾增長 猶如良地蒔菓栽  
薄運少枯無相人 似於道頭種諸樹

而彼童子漸漸長成既能行走後依家法教諸技能使學作業所謂書筭及造印記出財與他從外受入貨易與販染諸色繒衣服裁縫別諸香類識達五穀了別七珍及諸寶物諸如是等一切皆練無不洞曉工巧辯捷利智聰明悉皆成就無人與等及至年大欲遣別傳

爾時其父為彼童子造立三堂一擬冬坐二擬春秋兩時而坐三擬夏坐擬冬坐堂一向煖煖擬夏坐者一向風涼擬於春秋二時坐者不熱不寒調和處中其三堂內所有器服皆是眾寶之所雜成所有飲食最美最甘心所所樂見其諸衣服種種莊嚴復以眾雜末香塗香種種安置立諸姝女端正可喜使相娛樂於其宮內堂殿前立種種階道一一階道有五百人擎五百寶按日初出時則便安施日没已後還擎收却其堂周而有五百人防護守視身體皆著牢

固鎧甲手執刀棒或持鐵輪三叉戟等以用擬備其三等堂各各如是畏耶輸陀童子忽然捨棄出家其堂內外門戶閉鑰皆悉牢固其彼諸門開閉之聲聞半由旬

時耶輸陀在彼堂殿具足而受五慾快樂逍遙嬉戲于時世尊在波羅柰初轉無上法輪之後帝釋天王從天上下至耶輸陀官殿之中到已發覺耶輸陀言仁耶輸陀仁今時至必應不久捨家出家時耶輸陀聞帝釋天如是言已嘿然而受既嘿受已天曉之時索駟馬車欲往園中觀看善地

爾時世尊於晨朝時著衣持鉢安庠而入波羅捺城欲乞於食即以長老阿奢踰時用為侍者其耶輸陀遙見如來向前而來威儀端正行步沉審身體具足諸相莊嚴猶如虛空滿於星宿見已心生歡喜清淨以內歡喜清淨之心從車而下頂禮佛足圍遶三匝還未還上車中而行其耶輸陀見於如來迴還未

久時佛知彼清淨之心即便微笑放於光明  
尔時長老阿奢踰時整衣而立偏袒右肩右  
膝著地合十指掌向於如來而白佛言希有  
世尊何因緣故微笑放光

尔時佛告阿奢踰時作如是言汝比丘見此  
耶輸陀童子以不其至我邊頂禮於我三市

達我還退上車阿奢踰時即白佛言唯然世  
尊我向已見佛復告言汝今諦聽此耶輸陀  
大善男子今夜決定捨家出家至於我邊乞  
作沙門作沙門已不久而得阿羅漢果

時耶輸陀至園苑內觀於善地次第經行時  
天帝釋以神通力即化作一死婦女屍其身

臃脹將欲爛壞蠅蛆雜虫處處噉食時耶輸  
陀見彼死屍如是臭爛見已心生汗癩之想  
而自念言是臭爛身有何可樂生於著心而  
自放逸復於此中生於樂想今已膿爛即口  
唱言我今不樂臭穢樂也欲還至家而彼童  
子從苑內出還入已堂而彼在初夜欲眠睡

時天帝釋以神通力令諸婬女悉皆著睡而  
其家內處處然燈猶如臂大堂堂盡照令明  
不斷

尔時世尊當於彼夜作如是念今夜之中其  
耶輸陀大善男子決定勇猛捨家出家求作  
沙門如是念已至於一河名波羅那隋言斷除渡  
至彼岸自取草鋪既鋪草已結跏趺坐欲一  
夜眠心為慈愍其耶輸陀善男子故

時耶輸陀正著睡眠自然忽覺而見堂內處  
處安置臂許燈明見諸婬女悉著睡眠或有  
婬女頸懸小鼓或有婬女挾於琵琶或有婬  
女挾於五絃或有婬女拘持篳篥或有婬女  
以臂抱鼓或有婬女手執簫笛諸音聲等或  
有婬女露於半身喘息而眠或有婬女頭髻  
解散傾側而眠或有婬女流於涕唾不淨而  
眠或有婬女口齒相齧作聲而眠或有婬女  
覆面而眠或有婬女仰面而眠其耶輸陀見  
於堂內諸婬女眠如是滿地猶若死屍一種

無異見已即生獸離之想生大患想心中樂欲求涅槃想心欲建立向涅槃想而作是念謂此大是恐怖之處咄此大是擾亂不安怨嫌之處

時耶輸陀如是見已從其卧牀忽然而起脚踏著革履眾寶所成論其價直足二百千著已意念從堂欲下至堂基邊而無階道時天帝釋即將階道立著其前身放光明而此光明普照其家

時耶輸陀見此光已從堂而出漸至父宮諸姪女邊到已見父所卧堂內用好香油以為燈明其炷如臂迥地及柱處處皆安見諸姪女皆著睡眠懸抱樂器乃至如上猶如死人在屍陀林見已生於獸離之想乃至生於極大恐怖

時耶輸陀從父堂出漸至外門見外門關鑰鎖甚牢而開門時其聲遠徹聞半由旬時天帝釋速疾開門隱沒彼門不令作聲畏耶輸

陀出家之時有諸障礙

時耶輸陀從家出已至大城門其門名跋陀羅婆提隋言賢主既到於彼賢主城門其門關閉門關甚牢聲音遠聞亦半由旬時天帝釋一念之頃關於彼門又隱彼聲不令他聞心如念念勿令有人障耶輸陀出家因緣

時耶輸陀從城門出漸漸至於波羅那河介時彼河水忽暴長彌岸平滿一切諸鳥平頭而飲時天帝釋即便隱滅彼之光明時耶輸陀至河此岸即便停住而口中唱謂此大患咄大恐怖

介時世尊在河彼岸露地經行介時世尊為憐愍彼耶輸陀故身放光明以金色臂展手而向耶輸陀邊作如是言善來善來汝耶輸陀此處無患此處無畏此處安樂此處自在而有偈言

如來既見彼心已 而口呼唱如是言  
汝來汝來耶輸陀 取此無畏涅槃路

所五

八

世尊無所而不見 世尊無所而不知  
是故能知於彼心 故言世尊諸明具

時耶輸陀聞於世尊如是語已即免一切心  
諸憂苦即得心定譬如有人後春行路被諸  
熱惱疲極飢渴忽值一池其水涼冷入於其  
內澡洗飲水除滅一切熱惱諸苦如是如是  
其耶輸陀大善男子聞佛如是安慰言已即  
滅一切諸心憂惱心得寂定

時耶輸陀大善男子心生歡喜踊躍無量遍  
滿其體不能自勝脫彼眾寶所成革屣直二  
百千棄已步入波羅那河譬如有人捨於涕  
唾無復心念即背而行如是如是其耶輸陀  
棄捨革屣亦復如是共入河渡今時彼河水  
故為淺

時耶輸陀善渡河已至於彼岸到世尊所而  
耶輸陀遙見世尊威儀整頓容止可觀諸相  
寂靜心意正定乃至身以三十二相之所莊  
嚴猶如虛空遍滿星宿見已復生清淨歡喜

生歡喜已漸到佛所到佛所已頂禮佛足却  
住一面

今時世尊見耶輸陀却一面已即便為其次  
第說法所謂說於布施之行持戒之行復說  
生天因緣之行五慾罪患諸漏未盡尚有煩  
惱讚嘆出家清淨之法而世尊知耶輸陀心  
已生歡喜已生希有心得柔軟心得無礙心  
堪可受法

今時世尊以佛所有令他喜言令得道言而  
向說法所謂苦集滅道四諦向耶輸陀如是  
說時時耶輸陀即於彼坐遠離塵垢盡煩惱  
界離煩惱已於諸法中生淨法眼所有結惑  
皆滅除盡如實證知譬如淨衣無諸黑縷入  
色即受如是如是其耶輸陀善男子心即於  
彼坐遠離塵垢盡諸煩惱乃至如實悉皆證知  
時耶輸陀善男子婦睡眠既覺於其牀上忽  
然不見夫耶輸陀彼心意念耶輸陀故兼復  
渴仰思遲戀慕即便往詣耶輸陀母邊到已



白言聖母今知聖母愛子耶輸陀不新婦昨夜眠覺求覓忽亦不見不知何去

尔時聖母聞是語已憐憶愛念耶輸陀故啼淚懊惱急疾往詣耶輸陀父大長者邊到已即白大長者言長者今知仁所愛子耶輸陀不一一皆如新婦所說

尔時長者聞其宮中失耶輸陀以憶念子耶輸陀故遣使速往智慧人邊或筭師邊博戲人邊或媯女家而告之言汝等人輩宜速急疾往如是處求覓我子耶輸陀來

尔時使者向波羅奈城四衢道振鈴而唱如是告言若當有人能向我道見耶輸陀知耶輸陀所在之處所行之處令我得見今我得聞我乞彼人百千價物即於後夜教開城門遣使疾馳而遍告言汝等城外速疾往求我耶輸陀

尔時長者耶輸陀父當於彼夜天欲曉時愁憂悵快啼哭泣淚速疾往向跋陀羅提城門

之邊到已即出漸漸遊行見其耶輸陀革屣蹤跡見已尋逐革屣跡行盡其跡已於河岸上見二百千價直革屣少得本心即作是念我所愛子耶輸陀者今應不死出大喘息心口念言若其身死此之革屣久應無有

時彼長者見革屣已不觸不緣棄捨而去譬

如有人見他涕唾不觀不念棄捨而過如是

如是其耶輸陀善男子父見彼七寶所成一雙革屣棄捨而過即便渡彼波羅那河尋求其子

尔時世尊河邊遙見其耶輸陀善男子父向佛而來世尊見已作如是念此耶輸陀善男子父既來求子以愛念故或能倉卒不避好惡抱耶輸陀善男子身我今可出變化神通若作神通變化之事而耶輸陀善男子父在於此處唯得以眼見耶輸陀善男子面即便停住勿令相觸

時耶輸陀善男子父遙見世尊威儀齊整端

正可喜乃至譬如虛空中星莊嚴日月心生歡喜以歡喜心往詣佛所到佛所已即白佛言善哉善哉大德沙門頗見我子耶輸陀者來此以不

尔時佛告彼長者言大富長者汝若知時且少安坐不久當得見耶輸陀時彼長者作如是念此大沙門應不妄語所言應實聞此語已心生歡喜踊躍充遍不能自勝頂禮佛足却住一面住一面已

尔時世尊即為長者次第方便如應說法所謂行檀及結使法悉皆滅已如實證知譬如淨衣易受染色如是如是時彼長者即於彼

所五

十一

坐遠離塵垢如實證知於諸法中得法眼淨渡煩惱海越諸障礙無復疑心到無畏處不從他聞於世尊邊得聞法教受佛歸依受法歸依受僧歸依并受五戒

尔時人間彼大長者最在初首為優婆塞人身之中以三白成三歸依者謂耶輸陀善男

子父其耶輸陀善男子父於說法時如是證見如是觀行得於道跡見漏皆盡一切法中心得解脫

尔時世尊作如是念其耶輸陀善男子父聞法見知如實漏盡心得解脫不應在家受諸五慾如昔在家我今還可攝於神通尔時世尊即攝神通攝神通已耶輸陀父即於彼坐得見其子見已而告耶輸陀言子耶輸陀汝母憶汝受大苦惱為汝故哭為汝故悲莫復為汝而取命終汝可到彼與於彼命作是語已其耶輸陀善男子即觀如來面

尔時世尊即便告彼耶輸陀父作如是言汝大長者於意云何若有學人已學諸智已學見法彼聞法時證知漏盡心得解脫彼若迴心入於本家能更復受五慾以不長者報言不也世尊

尔時世尊告長者言其耶輸陀善男子今已學智見證於諸法如汝無異今耶輸陀聞說

法時證得道跡諸漏已盡心淨解脫佛告長者此耶輸陀善男子今不應還歸住於家內受五慾事如昔在家尔時長者即白佛言善哉世尊耶輸陀今生於人間善得大利善生世間諸漏滅盡心得解脫

尔時世尊見耶輸陀善男子身以諸瓔珞而

莊嚴體即說偈言

以諸瓔珞莊嚴身

寂定其心證於法

調伏諸根悉清淨

於諸眾生起大悲

若能如是諦實行

是則名為真梵行

亦名沙門釋種子

是亦名為比丘僧

時耶輸陀善男子父即白佛言善哉世尊願

所五

十一

受我請布施飲食及耶輸陀善男子等尔時世尊於長者邊嘿然受請為欲憐愍於長者故尔時長者既見世尊嘿然受請從坐而起頂禮佛足圍遶三匝辭佛而去是時長者去未久間其耶輸陀大善男子從坐而起頂禮佛足胡跪合掌而白佛言善哉世尊唯願世

尊與我出家受具足戒

尔時佛告耶輸陀言善來比丘汝今於我所說法中行於梵行正盡諸漏佛說是已時其長老耶輸陀身即成出家得具足戒為大沙門當於是時此世間中七阿羅漢一是世尊及五比丘耶輸陀等

尔時世尊於晨朝時著衣持鉢命耶輸陀用為侍者向其父家到彼家已鋪座而坐是時長老耶輸陀母并及長老耶輸陀婦來向佛邊到佛所已頂禮佛足却坐一面退一面已世尊次第而為說法所謂如是說布施行乃至清淨如來悉知彼等一切心生歡喜清淨柔輭心無障礙

尔時世尊所有諸佛令歡喜法所謂苦諦及苦集諦苦滅得道世尊為彼說是法時彼等於坐遠離諸塵得清淨智煩惱界盡於諸法中得淨法眼所有垢法諸可滅法一切知已皆悉滅盡如實證知譬如淨衣無有垢膩隨

所

五

十三

所染入而受其色如是如是彼等眷屬坐於  
彼座遠離塵垢所有垢法皆悉滅已如實證  
知彼等婦人既見諸法得證深入到諸法邊  
渡煩惱墻得無疑畏不從他人說法聽證世  
尊教中得知見已歸依佛法及歸依僧即受  
五戒

尔時世尊當於是日最初人中三皈受戒先  
得成爲優婆夷者所謂長老耶輸陀母并及  
長老耶輸陀婦所有一切諸眷屬等

尔時善覺大富長者既聞世尊爲其眷屬如  
應說法聞已歡喜即起辦食長者及妻并其  
新婦自手將好種種美食奉供養佛及耶輸  
陀所謂舐啖咋噉嘍其所以施食悉皆充足  
恣意飽食

尔時長老耶輸陀父善覺長者婦及新婦見  
佛食訖收衣攝鉢洗於手足如是清淨安坐  
竟已人別各自將一小鋪次第相隨來向佛  
前依大小坐

尔時世尊既見善覺長者眷屬如法而來坐  
於前已如來慈愍爲欲度脫使離苦惱是故  
爲其如應說法彼聞法已心生歡喜信心熾  
盛威德增上尔時彼等既聽法已乃至一切  
心生歡喜如是知已尔時世尊即從座起其  
耶輸陀即隨佛行

佛本行集經卷第三十五

十四末

所五

簸箕上補反松鋤上虛嚴反鋤鏤上七搖反  
鋸下音斫掘下其物反蘭進力反枝柯下音  
剉切上七卦札反側八曬所賣忍耐下奴  
反

萎烏爲腋亦音玩弄上愚傘蓋散上音蘇掃下徒  
反二字正蒔同音侍果栽下音與販下方裁  
作酥搏蒔同音前果栽下音與販下方裁  
縫上音才煨煖下上作煨同鏗愛二反捧講  
反戰居逆開窗下音藥嬉戲上許脰脹上反  
正作脰反脰二蠅蛆下七啞食上子癩賴挾胡  
形又脰反江脰反二蠅蛆下七啞食上子癩賴挾胡  
反喘息軟上尺反涕唾土音替下齒反五巧咄丁骨括

二反華屣下所迫懸若卑觸倉卒下舐反味  
上神止反咋上助噉上音薄下噉子立反

佛本行集經卷第三十六

所

隋天竺三藏法師闍那崛多譯

耶輸陀宿緣品第三十九

尔時天竺波羅柰城有四居士大富長者最  
 為殊勝善男子輩何等為四所謂第一名毗  
 摩羅隋言無垢其第二者名修婆睺隋言善臂第三名

為富蘭那迦隋言滿足第四名為伽婆跋帝隋言牛主  
 彼等從他聞耶輸陀大善男子往沙門邊修  
 行梵行聞已即作如是思惟希有斯事彼大  
 沙門法行之中梵行應當牢固不動應當勝  
 他其法會集應必第一所以者何而耶輸陀  
 大善男子至沙門邊受行梵行即得出家我

等今者亦應至彼大沙門邊求修梵行彼等  
 如是共平量已相將往詣耶輸陀邊到已即  
 共其耶輸陀對面美辭善巧談說各話心內  
 意喜語言敬心問訊相慰喻已各坐一面坐  
 一面已彼四長者即便共白耶輸陀言尊者耶  
 輸陀此之梵行必應牢固決定勝他如此法  
 集可敬可愛如尊今於大沙門邊受行梵行  
 我等今者亦欲求於大沙門邊修行梵行尔  
 時長老耶輸陀許即便共彼波羅柰城四大  
 長者往詣佛所到佛所已頂礼佛足礼佛足  
 已却坐一面時耶輸陀即白佛言大覺世尊  
 此四長者在本地家各為朋友最為殊勝善  
 男子輩所謂無垢善臂滿足并牛主等今日  
 故來歸依世尊善哉世尊唯願為此四大長  
 者如應說法教誨示導  
 尔時世尊發大慈悲起憐愍故即為彼等四  
 大長者次第方便說微妙法所謂布施持戒  
 忍辱乃至為說種種法要彼等長者聞世尊